


國立故宮博物院珍藏



清代起居注冊

光緒朝
第六十二冊



清代起居注冊


光



第六十二冊

國立故宮博物院珍藏

表
期前將書還回



光緒二十四年九月上	三三五五
光緒二十四年九月下	三二四一
光緒二十四年十月上	三二四八
光緒二十四年十月下	三二五二
光緒二十四年十一月上	三二六〇
光緒二十四年十一月下	三二六三
光緒二十四年十二月上	三二六九
光緒二十四年十二月下	三二八二

37506

清代起居注册 / 光緒朝 / (清)徐致祥等奉敕撰, --
 民國76年：臺北市，聯合報文化基金會國學文獻館印
 行，影印本
 80冊 21公分
 據國立故宮博物院藏手稿本影印
 聯經出版事業公司總經銷

I. (清)徐致祥等奉敕撰

654.77/7974/76

NT\$ 68,800.00

76 · 02 · 0650

· 6500113

清代起居注册

光緒朝第六十二冊

資料提供者 國立故宮博物院
 景印者 聯合報文化基金會國學文獻館
 發行人 王必成
 發行者 聯經出版事業公司

臺北市忠孝東路四段五六一號
 電話：七六三一〇〇一六九五
 郵撥：〇一〇〇五五九一三號

行政院新聞局登記證局版臺業字〇一三〇號
 保有版權·翻印必究

中華民國七十六年二月初版

光緒朝共八十冊
 定價每部新台幣六八八〇〇元

光緒二十四年歲次戊戌九月初一日辛亥

上詣儀鸞殿

慈禧端佑康頤昭豫莊誠壽恭欽獻崇熙皇太后前請安
奉

皇太后幸純一齋侍早晚膳看戲畢
駕還涵元殿內閣欽奉

慈禧端佑康頤昭豫莊誠壽恭欽獻崇熙皇太后懿旨

國家制治保邦綱常名教亙古為昭至於條理損益隨時
變通盡利本無一成之法前因中外積弊過深不得不因時
制宜力加整頓而宵小之徒竊變法之說為煽亂之謀當經嚴
拏懲治以遏橫流至一切政治有關國計民生者無論新舊
仍應次第推行不能因噎廢食迭經明降諭旨剴切宣示大
小臣工當能仰體此意惟言事諸臣往往胸無定識即如
亂謀方張之日內外章奏能灼見先幾防微杜漸者並不多

見迨至事後或且仰窺意旨揣合希榮豈知朝廷用人行政一秉大公執兩用中不偏不倚用特再為申諭嗣後內外臣工務當精白乃心一化新舊之見凡所建白但期有裨時局不得妄意揣摩甚或挾私攻訐是非所在亦自難逃洞鑒也將此通諭知之

是日

起居注官覺羅慶頤黃思永

初二日壬子

上詣儀鸞殿

慈禧端佑康頤昭豫莊誠壽恭欽獻崇熙皇太后前請安

內閣奉

諭旨吏部奏遵議處分一摺大學士榮祿應得降二級調用處分著加恩改為降二級留任又奉

諭旨吏部奏遵議處分一摺內閣學士張百熙應得

革職處分著加恩改為革職留任

是日

起居注官嵩恩秦綬章

初三日癸丑

上詣儀鸞殿

慈禧端佑康頤昭豫莊誠壽恭欽獻崇熙皇太后前請安

內閣欽奉

慈禧端佑康頤昭豫莊誠壽恭欽獻崇熙皇太后懿旨
本年山東黃河漫溢被災地方甚廣業經先後撥款
截漕飭令該撫妥籌賑濟惟災區既非一處賑撫為

日方長軫念民生無日不廛宵旰著發給內帑銀二十萬兩交張汝梅飭屬分別被災輕重覈實散放該撫務當嚴飭印委各員激發天良認真辦理務令實惠及民毋使稍有弊混用副深宮廛念民艱有加無已至意又奉

諭旨廂紅旗滿洲副都統著英信調補正白旗蒙古副都統著鍾秀補授又奉

諭旨廂紅旗護軍統領著載卓補授載卓所署左翼

前鋒統領著敬昌署理又奉

諭旨武備院卿著伊立布補授

是日

起居注官恩順陳兆文

初四日甲寅

上詣儀鸞殿

慈禧端佑康頤昭豫莊誠壽恭欽獻崇熙皇太后前請安

內閣奉

諭旨杭州織造仍著誠全接管又奉

諭旨順天府奏請賞給普濟堂等處暨廣仁堂米石
各一摺現在節交寒令近畿一帶貧民生計維艱

所有普濟堂功德林兩處恩賞小米三百石加賞
小米五百石及廣仁堂恩賞小米三百石均著照
例賞給另片奏請賞給盧溝橋粥廠暨資善堂煖
廠米石各等語加恩著照所請賞給盧溝橋粥廠
粟米四百石資善堂煖廠粟米三百石以惠窮黎
餘依議又奉

諭旨廖壽豐奏翰林院侍讀王榮商呈請開缺在籍

養親等語王榮商著准其開缺又奉

諭旨廖壽豐奏刁民恃衆抗官獲犯訊辦一摺據稱
浙江甯波紹興温州等府本年春夏之交米價日
昂正議令各屬籌辦平糶迭據該鎮道等稟稱永
嘉鄞縣各處奸民藉口米貴並因鋪捐土藥捐聚
衆開闢鳴鑼罷市毀壞縣府道署及土藥局復因
搶米經營兵彈壓有持械拒捕情事刁民聚衆抗

官此風斷不可長在場滋事首要各犯既據該撫飭屬拏獲訊明懲辦其辦理不善之各地方官亦難辭咎永嘉縣知縣周炳麟嗜好甚深身任地方毫無布置勸辦鋪捐委員試用從九品莊受采逼勒催收釀成重案釐局委員試用通判鄭廷驤聲名平常罔恤商艱均著一併革職署鄞縣知縣劉喬祺疏於防範著交部議處以示懲儆餘著照所